

📖 ما هو الهدف من الحياة؟ (قصة ملحد) زندمان ء مول مراد جے انت؟

منی کسه شاہدربجاء ء اولی سال ء بندات بیت ، (اے سالء)

من باز جیڑہ ء آماچ بوتان منی مات ء پت چہ یکے دومی ء جتا بوت انت ، ء من گاڑی ء سر ء دگ ویلے ء آماچ بوت آن ء منی سنگتے ہم وپات بوت.

من وتی جند ء را وت جُست کُت ، زندمان ء مول مراد جے انت.

من زندمان ء مول مراد ء سر ء شک ء گمان بندات کُت ،

من یک چرچ (ایسائیانی ابادت جاہے) ء شتان کہ من دیست درست زہیروک جنگ ء انت گون ہنچیں لبزاں کہ من ہج سرید نہ بار.

گڑا من ء لہتیں سوال ء بے وار کتگ ات من جُست کُت انت انجیل اش ہج پچ نہ کُت من ء پسہ بہ دہ انت

ہرکس ء وتی ہیال درشان کُت انت ، درستانی پسہ جتا جتا انت بلکیں لہتیں ء پسہ چہ دومی ء ایگ ء چپ ات انت.

تنا کچ ء ہُدا ء بابت ء ایشانی ہیال ء سسا نزور ء جتاجتا ء دلجم کنوک نہ ات انت

ہُدا چوں درنچگ بیت ء سزا ء آماچ کنگ بیت ہمیشا من پهم ات کہ ایسائیت ء توک ء باز کمی گیشی ہست.

من گون شاہدربجاء ء وانگ ء یکج ء پٹرول پمیے ء ہم کار ء ات انت.

منی یک سنگتے ہندوئے ات من جُست کُت ہما پیل ء سُنٹ والا ہُدا ء کسہ جے انت ، آیا آیاں ایشی جاگیا شیر ء سرگ گچین کُت نہ کُتگ ات من ء ہندومت ہم دوست نہ بوت.

من گشت ء دگہ دین پٹ لوٹ کُت ، اے بر ء منی جُست یہودیانی دین ء بابت ء ات ، مزنیں جُست پُرسے پد ایشانی ہیال ء سسا ہدا ء بابت ء جتا جتا ات انت ہنچو کہ ایسائیت ء ابابت ء گڈء منجی ات

ہمے واستہ یہودیت ء توک ء ہم من آ چز ندیست کہ من لوٹ ات.

آسر ء من بدمت دین ء توک ء پٹ ات من ہمے گمان داشت دین ہمیش انت من ہمیشی گچین کناں ، وھدیکہ من جھلانکی ء پٹ ات من ہمے مار ات کہ اے دینے بوت نہ کنت بلکیں اے (مردمانی واستہ) زندمان ء گوازینگ ء شودار کُتگیں راہے.

یکروچے منی یک سنگتے ء من ء ہمے دینانی بابت ء جُست کُت کہ من پٹ پول کُتگ اتان

من گُشت من ایسائیت ء ہندومت ء ، یہودیت ء بدمت ء بابت ء پٹ اتگ ، گُشت ئے : اسلام ء بابت ء تو جے گش ئے ؟ من گُشت من ایشانی اسلام ء بابت ء پٹ پول نہ کناں من ء چونیں زورے سر ء کہ من ایشانی دین ء بُہ رواں؟

بلے لہتیں وھد ء من گنداں کہ مسیتے ء شتان ابید بوٹانی کشگ ء مُسلہاں لگت دیان اتان کم نہ بیت کہ من سجدگ کنوکے سر ء بہ لپاشاں ، پد ء من چار ات واجہ بچکندان انت ء منی نیمگ ء ایگ ء انت ، گُشت ئے روچ وشبات سنگت تئی جے ہال اھوال انت ، اے وش اتک ء پد من واجہ ء را جُست بندات کُت ، منی گور ء ہما جُست ہست ات انت ، کہ من پیسر ء جُست کتگ اتان ، من ء ہمے چز ء گیشتر ہیران کُت من ہرچزے جُست کُت یکدم پسہ اش دات قرآن اش پچ کتگ ات ء من ء گُشت اش براس اد ء بُہ وان ...

اد ء من ء ہرچز ء پسہ دست کپت چاہ ء ہرچنکس گرانیں جُست کُت ، دو ہپتگ ء گوزگ ء پد من یک مسلمانے ء را جُستے جُست کُت کہ چیا تو وتی جند ء ہیال ء چہ درشان نہ کن ئے (پسہ نہ دئے) من ء گُشیت : بوت نہ کنت وھدیکہ ما گران پاک ء گپ ء بہ جن این پد ء ما وتی جند ء ہیال ء درشان بہ کن این ہمے (گپ ء) من ء باز بدل کُت.

پد ء من پہ لوگ ء یک گران پاکے زرت ، من وانگ بندات کُت من گنداں اے چو آدگہ (کتاب ء) کسہانی وانگ ء پیم ء ہج نہ انت بلکیں من ہنچیں چزے وانگ ء آن کہ من ء ہُگم رہشونی کنگ ء انت

یک شیے من نشت ء راستیانی مٹانکائی سر ء پگر کُت ہنچو کہ : والجبال اوتادا (کوہاناں میہ جوڑ کنگ بوتگ) نُنک ء وتی مات ء لاپ ء توک ء رُدگ ء بابت ء ، من گُشت او اللہ من ء بُہ واہ) ء ہدایت) بہ دئے (ہمے دمان ء)

منی ہالت بدل بوت من ہمے مار ات کہ اللہ ء من ء رہشونی کُت ، چیا کہ اے کائنات گون وتی ڈولداری ء مزنیں سارگ ء سینگارگے ء ہج بوت نہ کنت کہ بے ہُدا بہ بیت ، من اھد کُت کہ مسلمان بان ء دوئیں شہادتان وانان .

وھدیکہ من ونت آن درستیں ٹرس ء شک ء گمان چہ منی ہوش ء دراتک انت ، من گون وتی پت ء ہم سک شر اتان گڑا من اسلام ء راستی ء بابت ء سمجارینت کہ ہرچنکس دروگ شنگ تالان بوتگ (اسلام ء بابت ء اسلام چہ ایشاں باز جتا انت.

گڑا ہمیشا چہ من ء گران ئے لوٹ ات ، من ان شاء اللہ دلجمان نزیک انت کہ وتی اسلام ء ایلان ء کنت.